

八瓊室金石補正

八瓊室金石補正卷七十七

男 繼輝校錄

太倉陸增祥撰

吳興劉承幹覆校

唐 四十九

御史中丞閻好問墓誌

高一尺八寸二分廣一尺九寸廿七行
行字不等字徑六分正書在正定李氏

□□前守宿州司馬媯瀛莫三州刺史銀青光祿大夫
檢校太子賓客□史中丞河南閹府君墓誌銘

并序

姪前幽州節度要籍宣德郎試太常寺奉禮郎周彥

恭叙

○丞諱好問字子裕其先河南人也以咸通十四年仲夏月二十五日卽世於鳩州官舍壽六十有四蜀邑

西太守芝三十四代孫二十三代祖冀州刺史鼎

皇貝州長史試大理評事諱昱嫡孫祜諱晉皇不仕

妣扶風馬氏漢宮大練蜀郡白眉之洪胤也會昌中

藥師贈太尉蘭陵張庄王念切重甥特署衙職功因

破虜官奏憲階心務廉平志尙章句庄王嫡直方以

戶部襲位情娛弋獵性愛微行常以謹言維持嚴於宿

衛庄王猶子德輔潛祈大福陰搆禍階爰從東弟直

臨正寢乃被堅執銳從辰泊申威掠前鋒血盈左脅戶

部遷選名醫始獲痊復明年冬諫戶部吐以血誠請覲

龍闕時台席白公敏中俯察邊勞特論半刺宣皇

恩詔宿司馬故天相梁園李公宗閔弟宗丹守埴橋

之日神驚陟屺望切倚門故府燕國公以揆路踣臨

之時乃遵舊歧遐歸故里署爲幽都縣令俄授幽府錄

事叅軍纔振紕繩又委邊壘授安塞軍使咸通初奏侍

御史又攝納降軍使奏御史中丞地臨朔漠位亞竹符

燕國公遐察字人試其巡警授節度都虞候有誰何

之譽副旌榮之心又授都押衙遷付專城寔旃邊俗

授媯州刺史未踰暮歲授瀛州刺史今府僕射以貂

蟬統戎之際推以新恩難膺舊秩授莫州刺史踰數月
授幽州司馬以督察殷繁遂其閑逸重臨媯汭再治舊
疆府帥僕射哀慟存亡迭爲賄賂卽以其年仲秋月廿
八日厝神於幽州之軋十里高梁岸南保大原先夫人
尙氏合祔 先塋之左 今夫人彭城劉氏卽莫州

唐興縣令 諱箴道之幼女也溥溥朝晡痛無甯息有
子六人長履璋討擊副使次履庸未筮仕次履寔討擊
副使次慶元墓釋宗次大端次小端皆童女二人長
適幽州討擊副使張從嗣已先凋天次聘莫州鄭縣主
簿劉震燕靈王顯胤二厯典午四改分符馴雉一遷烏

璧三上賞文舉之座慕元禮之門少遠昨膏慕遺清白
周彥幼遵面訓冠乃山居書讀素王職運青綬深竹林
之蔭已近四十年痛松戶之期未盈一百日徵其自敘
規乃韋班敬述家風掾傳潘陸慮渝岸谷薪折松楸攷
淚何窮含悲直叙銘曰

胤徙周室 嬪榮漢皇 已西剖竹 莫土分疆 爰

自河南 裔歸薊北 名標隼旗 位昇熊軾 崆峒

秀峙 碣石壯臨 平原後聳 乘水前潯 拱木風

悲 泉庭月皎 望斷塊封 永安宅地

右御史中丞閻好問墓志在正定出土補訪碑錄

云此志出土僅拓數紙土人埋之遂不可得審視拓本鐫有藏常山李氏成蹊家字搗叔所言爲未確撰文者好問之姪周彥搗叔以爲周彥恭撰亦誤據敘文好問官終於幽州司馬而標題不著文又有烏臺三上語豈幽州司馬之後又嘗爲御史中丞故首句云中丞諱好問弟一字雖缺要爲中字無疑當卽据以題之誌云蜀邑西太守芝三十四代孫二十三代祖冀州刺史鼎桉元和姓纂閩氏天水郡有西城侯蜀巴郡太守閻竺當卽其人竺與芝字涉形似傳寫之誤也新唐書宰相世系

表晉有北平太守安成亭侯鼎字玉鉉死劉聰

原誤

作總

之難子昌奔於代王猗盧遂居馬邑誌所稱冀

州刺史者當卽其人然晉書閭鼎傳云字台臣天水人以豫州刺史奉秦王至長安與賈疋王保等共立愍帝後麴允等忌而陷之出奔雍爲氏竇首所殺與世系表不合豈同時有兩閭鼎耶抑鼎字玉鉉又字台臣所稱北平太守安成亭侯者以其有建立之功歿後追贈而史官遺之表又誤以竇首爲劉聰耶所不能明矣誌又云祚諱晉祚卽祚字公羊傳注云生稱父死稱考入廟稱祚誌蓋本

此誌又有云藥師贈太尉蘭陵張莊王者張仲武也仲武范陽人封蘭陵郡公卒諡曰莊史不書贈太尉者史之漏略也史稱公誌稱王者進爵爲王而史遺之也張仁憲碑亦稱郡王藥師當卽仲武之字史所未載誌不言檢校司徒同中書門下平章事者誌略之也其子直方襲位史云以石金吾將軍襲留後俄進副大使誌云以戶部襲位與史不符据史直方入京後嘗檢校工部尙書或工部卽戶部之誤然直方厯官終於左金吾衛大將軍不應捨後稱前疑史所稱右金吾將軍者誤也直

方入京史云畏下變起乃託出收奔京師誌云吐
以血誠請覲龍關當是隱飾之辭至德輔構禍則
史所失載可据此補之當時藩鎮強橫事非朝廷
所能制不獨蕭牆變患旋即弭平爲史官所不盡
知也白鶴中字用晦史附其兄居易傳李宗冉史
於宗閔傳僅附其名不述一語所謂守埤橋者不
審何時何事故府燕國公張允伸也允伸字逢昌
范陽人封燕國公咸通十二年卒今府僕射李茂
勳也茂勳本回鶻阿布思之裔降於仲武積功賜
姓名官尙書右僕射皆盧龍節度也幽都縣安塞

軍納降軍皆隸幽州莫州鄭縣新書地理志作莫
縣云莫州本鄭州開元十三年以鄭鄭文相類更
名莫本鄭開元十三年更以誌證之是改州未改
縣也銘云膺從周室者宰相世系表閻氏出自姬
姓周武王封太伯曾孫仲奕於閻鄉因以爲氏又
云昭王少子生而手文曰閻康王封於閻城又云
唐叔虞之後晉成公子懿食采於閻邑元和姓纂
略同惟不言昭王少子要皆出自周室也銘又云
嬪榮漢皇者後漢宜春侯閻暢女爲安帝皇后也
爰從東弟弟卽第實蘇邊俗蘇卽蘇少遠貽膏慕

遺清白脂脂之誤慕暮之誤

來佐本及常郭二氏墓銘

方八寸七分十一行行廿三至卅七
字不等字徑四分正書有直界錢

故來府君及夫人常氏次夫人郭氏墓銘 并序

府君諱佐本南陽人也君平生志操性本謙恭豈謂穹蒼降葉忽遭私疾俄終厥壽權措故里早分今古夫人郭氏年及總笄父母禮適來氏則母儀貞□□□無虧享年春秋七十有二終於兗州來君有子名林慶男女等灰心毀容泣血匍匐乃墨垂元龜露蒼靈筮自□□扶護故府君及夫人來就合附以咸通十四年歲在癸

已十二月廿九日於兗州瑕邱縣普樂鄉臨洄□城陰
村郡城東北六里平原禮塋林慶痛見孤墳窳々松吹
蕭々又恐陵谷遷移遠日有變乃命功刻石爲銘 銘

曰

穹蒼々天日月高懸□照六合不照下泉擗踊哭泣下缺

右刻文十二行字徑四分題稱來府君及夫人常氏
次夫人郭氏墓銘志中唯敘郭氏事蹟無一語及常
者殆其子□慶爲郭所出也橫側有敘有讚文多漫
滅右側列孫男女外孫等名

山左金石志

右來佐本墓銘在滋陽鐫刻甚劣藝作藥斯疾作

私疾厝作措耐作附工作功踊作踴或通借或俗

誤山左志載此總誤纏缺父母二字名叔慶缺叔

字月上缺十二二字少一格臨泗下尙有一字亦

失空一格据石正之又山左志所載有篆蓋題唐

故南陽郡來府君夫人誌石壹合十四字有橫側

刻□慶長□王氏□□□□年歲深久難作□爲

泣血共請□□□□□□□□建戌之月有十七日

□後西北張文莒建□□□□□勢也後作讚曰云

云凡五行末二行已泐又有右側刻來君并有孫

男二人長曰行全次曰玉□女十二娘適房□□

并有外孫七哥凡三百七十四口共卅七字未得
拓本附錄之 又案古誌石華作來佐墓銘府君
諱佐下誤脫本字藥作藥措作厝禮適上脫父母
二字來氏下脫則字無廟上作婦德二字春秋上
脫享年二字兆上脫墨字扶護上作南陽二字及
夫人三字改作及前夫人常氏六字附作祔癸已
下只空一格臨泗下失空一格功作工大率以意
增改不足爲據

魏公先廟碑

附咸通末 華編 載卷一百十七

有來孫

缺孫

崇祀之

缺之

命工

缺命

築塋

缺塋

就列

缺

字鄭公府君諱缺府君河東缺河堂之事缺堂某滌慮

虔思由某誤其以有字缺有不國而封缺國奮爲

字缺爲本宗隨遷廿仕朝字缺本宗隨爲義缺義去

無缺去以詞缺以屬權西字缺下二霜晦缺霜日月光缺

光二亦識然鄭公司業亦下六生潁州缺生咎

宜缺咎嘗以缺以楊析殘殘上二區田缺田秋宿秉橫

缺秋橫不讎缺讎尙中秉缺尙秉風徽缺厯

府缺徽厯當官缺移陵命缺移

字承之公缺承誤永爲

帝爲下視下病猶在言之未

□缺下病卽以爲缺右史入侍未嘗不使之缺以爲

盛□缺萼萼□缺征繕是圖至□公府大體缺萼萼至閒

門缺門他人有元和缺興缺時□缺蒸□□缺之維

忠與孝可謂大備缺蒸之守檢缺檢端□缺恪缺恪改爲

字缺改舊官載揚缺載揚

碑云鄭國文貞公魏氏在貞觀立家廟於長安昌樂

里長安志昌樂坊有太子太師鄭國公魏徵家廟大

中中來孫暮爲相再新舊廟以元成爲封祖卽此平

讀碑記

西安府志載此碑入金石門爲崔絢撰文柳公權書

大中六年十一月立碑撰文人崔姓泐其名並無立

碑年月不知府志何以定爲崔絢撰文大中六年十

一月立

詳核據金石錄目

今審其文有鄭愚謂璵云云又有

璵聞命震悚云云然則撰文者乃崔璵非崔絢也璵

封博陵子在大中七年若此碑立於六年則題銜尙

不得稱子也

隨唐石刻拾遺

萃編以末十行文不接續只附於後茲按行系之

惟中有闕泐不能連綴成句耳

劉氏幼子阿延墓銘

方一尺十八行行十四字
字徑四分許正書在長安

大唐乾符二年歲次乙未四月廿日壬申彭城劉氏幼
子年七歲終于晁平里之私第雉齒未名小号阿返曾
祖諱庭珎左驍衛大將軍封東陽郡王食實封二百戶
興元元從著勲當時祖諱沔太子太傅贈司徒功書竹
帛事載國史故不脩述也父曰從周光祿卿致仕絕跡
名利嗚呼汝襁褓敏慧戲弄有方逮至龀中舉動老成
方欲傳汝箕裘慶爾門閥吾負神明謫汝何遽以此哀
慟痛何能已以其月廿四日卜地云吉祔葬于長安縣
第五村親伯杞王傅德章之塋撫輿踰天位血塋塋乃
爲銘曰

阿返阿返 壽何促焉 詩書禮樂 方期訓焉 未

就吾志 奄歸黃泉 蘭萎珠碎 兄姊摧焉 龜筮

告吉 罕岁是遷 慮變陵谷 寘于墓門

右劉氏幼子阿延墓銘其父從周撰所敘曾祖祖
官爵與史劉沔傳合惟史作廷珍此作庭珍爲小
異耳稚誤作雉耐誤作耐劉沔碑敘其後人有幼
從□前左監軍衛將軍兼侍御史當卽從周大中
初尙未官光祿卿也

河南錄事趙虔章墓誌

方一尺一寸廿三行行廿字
字徑四分正書在陝西咸寧

金石錄卷之十一
唐故前河南府錄事天水趙公墓誌銘

樂安孫溶撰

吳興姚劄書

嗟夫瑞雲將布俄散彩於晴空皓月正圓忽摧輪於天上卽知吉氣難駐祥光易虧非唯動息之所瞻實亦神靈之所歎何殊俊造奄及泉臺將紀嘉猷難申執筆

公諱虔章字敬彞京兆長安人也昆仲四人歆侍左右公異才也量崇大節不愧小慈禮樂生知敏捷天受視扶空之蟠棟不足崢嶸觀截海之螭梁未爲碑兀鳳鸞駕雍容之質冰壺灑洞澈之風纔及弱冠之年

寵授糾曹之貴莫不清兼洛水秀合嵩雲譽滿東畿名
傳西關必謂壽等五千之仞榮稱百萬斯年何期清
史而猶未標奇黃泉而已爲歸路嗚呼天駟一柱嶽折
高峯斬蛇之劍刃剛摧射猿之雕弓絃斷並雲銷於瞬
息方月缺於逡巡比逝賢良未足爲痛以軋符三年九
月六日告終于平康里私第而丹旆言旋著龜告吉擇
用其月廿日葬于萬年縣甯安鄉三趙村祖之塋側
也今則泉路永塞逝水不還慮陵變遷略紀貞石其銘
曰

肅肅令德

雍雍至仁

玉質纔成

冰霜始新

謹

孝無比 忠貞絕倫 於家克儉 於邦克勤 詎料

花發 風起清晨 來飄葉謝 紅香沒塵 龍城之

側 灞澨之濱 一葬其中 三趙爲隣 風悲雨泣

慘骨傷神 泉門永固 千春萬春

元和八年馬廿三娘誌云恐陵變遷乃紀銘云大和
四年吳達誌云金石靡刊孰紀陵之變此誌云慮陵
變遷略紀貞石三誌刻不同時陵下皆脫谷字而唐
代國諱無避谷字嫌名者不知三誌何以同脫此字

古誌
石華

按趙虔章墓誌銘題云唐故前河南府錄事天水趙

公宰相世系表天水趙氏代王嘉子趙王公輔之後
世居隴西天水後徙京兆表不載虔章無由悉其先
代百官志西都東都北都皆有牧府尹少尹其屬有
司錄參軍事錄事錄事四人從九品上掌正違失蒞
符印誌稱寵授糺曹之貴卽指河南府錄事故云舉
滿東畿其職掌正違失故云糺曹糺卽糾也萬年縣
甯安鄉三趙村卽今咸甯縣南十五里三兆社趙兆
音近而訛社有鳳棲原顏魯公撰顏勤禮碑甯安鄉
鳳棲原亦其地也此石道光中出土及門顧小雲鶴

宰米脂時拓寄

金石
續編

右趙虔章墓誌在咸甯出土今不知所在曩校續編疑來爲采字之譌今得拓本知不誤也蓋言風之來耳

昇仙太子廟詩刻

乾符四年閏二月三日
莘編載卷一百十七

物外花長滿

長作常

詩後有記云余大中八年爲前渭南縣尉閒居伊洛常好娛遊畋爲尉而云閒居或有勾當公事在東都

也

平津謨
碑記

寶禪院造象記

高二尺六寸廣一尺九寸首行存八字字徑二寸六分記八行行存字不一字徑一寸四分許後二行存

全字三字徑寸餘
均正書在蘇州

敬造弥勒大像一

軀

竊聞大像出現与日月之同明生□

普願卽堅千身万化靈力無

邊

□

驗獲目前愚迷不辯有苦千

白刃到孟津始擬造船人□

田三業有報伏種□緣急

勒佛前僧人窠劣

仔

帽莫

盡歸泉略標一記永鎮此

乾符四年十月二日造佛

舍谷

觀

黃顯爲

□五

梓潼

下截損缺就所見如式錄之後二行是後來續刻者僅三全字四半字卽附於後

右常侍楊發女子書墓誌

高一尺一寸三分廣一尺一寸七分
十九行行十九字字徑五分正書

唐故嶺南節度使右常侍楊公女子書墓誌

兄文林郎前京兆府兵曹參軍檢撰并書

□□□芸字子書隋越國公素之裔 顯考公常□□

□諱發第七女 曾祖公諱藏罷邠州三水□ 顯祖

諱遺直贈右僕射 府君名重於時□□於世 子

書之諸姊皆託華胄如戶部侍郎翰林學士劉公承雍
五朝達皆 子書之姊瑋 子書自童年則不隨稚輩

戲遊端默靜慮有成人量不甚賞絲竹寡翫好諸兄所
習史氏經籍子集父選必從授之覽不再釋盡得理義
勤於繇學巧于女功喜不形色愠不見容內外推敬稱

非凡女會軋符五歲夏京師癘疫 子書之兄姊姪妹

危疾者相次 子書省視□悴憂勞內侵疾不涉旬竟

厄天壽以六月七日終于返福里第春秋世十月廿八
日葬于長安縣南原姜允村嗚呼天与其淵而不与其

壽友□灼灼忍落疾風四氣輪謝時可□乎於是其兄
慟血而銘曰

□吾族兮成吾之姝

忤吾門兮德□其除

于嗟天兮付不俱

生有恨兮泣血漣渙

右楊公女子書墓誌在長安出土校女父楊發史
有傳字至之官至嶺南節度使此誌標題稱右常
侍傳所不載曾祖祖名見宰相世系表表稱遺直
濠州錄事參軍誌稱贈右僕射一書任職一書贈
官也表不載發官可据傳與誌補之表不載檢名
可据誌補之

上谷成君信墓誌

方一尺一寸二分十八行行廿二至廿七
字不等字徑五分正書直界格在益都

唐故上谷成公墓誌銘

并序

公諱君信字匡時其先本周成伯之後父惠通皇平盧
軍先鋒副馬軍兵馬使檢校太子賓客兼御史大夫祖
瓌皇不仕公立性端良劉柔得中內戚元奧外示謙和
早爲軍府爪牙之職後以年德將邁退居里中有識是
者知公懷大信大義爲至英至仁皆暗慕相知公亦默
而見諾故得門多長者之車親皆禮樂之士何乃日月
有數疾瘵屢鍾以軋符五年八月八日終於私第享年

六十七公娶武陵嚴氏生一男行實習武威段氏一女
適隴西牛從寔寔爲節度要籍支計斛斗司公以孫建
立爲之後習清河張氏建弟小福公喜絳耶等年悉幼
稚心力未任姪行實爲右廂都虞候判官皆行實及子
聿從寔感激嚴訓竭力祗承佐夫人同辦遷厝以當年
十一月廿九日葬於青州益都縣望沂鄉之原也施憐
前去孤雲爲之慘懷輜車後來流水豈任嗚咽慮江河
他去巖谷遷移聊錄行藏以銘貞石銘曰

天際高標 歲諸道德 素月懸嶽 白雲爲則 卓

雅有稱 規章無貳 唯信唯義 心期本志 自悅

自悞 誰達茲事 青松白楊兮乃荆棘之固殊 千秋萬歲兮因積善之能量

君信卒時其子行實先卒故立孫建爲後今所謂承重孫也唐人書巾旁字多作心故書幡爲幡至娛書作悞則誤字也周之成國姬姓子爵文王子叔武所封上谷東郡二族皆其後也成伯當作成子蓋相沿而誤也

古誌
石華

石尾有翁方綱識四字又有譚雲龍識子濤存石八字碑書徽作微微卽微黃氏未舉

李氏殘墓志

高存八寸三分廣存八寸五分十三行
行存字不一字徑四分正書當在咸甯

□

□彰長女適□

次早亡少尙室焉季

日居月諸至于大漸以□□□

第享年四十有四嗚呼冥數難徵□□

至若李門係譜則先舅侍御之邱銘

季其月七日丁酉窆于長安縣之永□

先舅姑之塋禮也從姪以余熟審行藏咨

而銘、曰

周封微子 寔曰旌賢 弥綸代祀 厥賡縣 哲

天何晦昧 不享齡年 龜□□□ 筮告新阡 □

高登大陸 俯瞰長川 神安遠久 永閤万千

乾符六年□□□ 亥四月庚□

右婦人殘墓志右方下方均已斷損文曰李門係
譜則先舅侍御之邱銘是婦歸於李氏也銘曰周
封微子則婦之氏當是宋也然不可攷矣

北山院圓照造象記

高二尺七寸廣一尺六行行廿
一字字徑寸許正書在縣州

捨 建置北山院僧圓照生不感元死不

報苦趣託於何道今世當來無憑度於□

阿弥經鑿一石龕造西方弥陀佛觀音

□□

心同力十念往生僧人圓照發心便

雷割

成就

所有

布施文麻至鑿佛所影

□□

□恐

乾符六年

十二月十四日僧圓照

記

碑文缺損不知下載幾字就所見如式錄之

南陵尉張師儒墓誌

方一尺九寸三十七行行三十八字字徑四分正書蓋題大唐故張府君墓誌銘九字篆書在長安

唐故朝議郎前行宣州南陵縣尉柱國張府君墓誌銘

并序

朝議郎前使持節藤州諸軍事前守藤州刺史上柱
國賜緋魚袋蔡德章撰

夫銘者稱其美也記歷年代載撫行德曰夫子識秦始
皇後必開發吾墓顏回已下乃誌識詞於墓內使始皇
見之知我先師聖焉又至後漢滕公夏侯嬰將葬佳城
駟馬不進而鳴乃掘其下遇有穴室得石記亦有識文
是以先王製禮勒石于泉扈陵谷有遷以明柩之德位
也 公名師儒其先清河人也曾祖景仁祖吳父南素
並不仕公卽家任之子也器宇凝正容範端華檢性依
方飾躬由禮□身而先物約己而厚人言合詩書動遵

法式自少小以勤學苦節而立其身始自豸府從職能以幹敏奉公前後憲長無不委用或以紕繩之政而立紀綱或竭節推刑爲霜臺之領袖優滿授坊州昇平縣主簿祿滿授宣州南陵縣尉兩任之政恪著公勤太守常以重難而委寄也邑人遵慄惕懼於製錦之威賦稅及期一境無逋懸之簿旣之罷任方欲歸輦莅蒞未進適值浙江淮海等道而多寇逆所在徵兵憂以路虞不通且駐宣城之側以軋苻五年七月初邁疾至其年八月一日終于宣州權居之所享年七十有二時第三男溥自京侍從至南陵數載不曾暫闕晨昏侍疾

求暨而忘寢食公歿之後護喪歸京涉厯山河皆
途步周廻委曲三千餘里二百餘晨方達家邑孝道之
志此男偏臻曾參之儀祇之此也公之先域在於馮
翊近載緣諸子從職多在諸方南北馳離鄉日久遂
逐便移家於上都崇仁之里靈筵之禮脩之于堂以
廣明元年十月五日乙酉吉辰歸葬於萬年縣甯安鄉
新塋之禮也夫人王氏以其糟糠之情饗祭從便阻以
地遠恐後遲時不赴馮翊舊鄉慮其子孫闕春秋之祀
而從近焉乃卜新阡在鳳棲原也防其異日無虧灑
掃之儀子孫團圓不墜松楸之主伏以賢夫人太原大

族之家引 駕王公魯之女也懷敬姜之志襲梁鴻之
風常以內備機蒂之勤外豐賓客之膳親族仰重四德
不虧有男四人長曰洙見義武軍節度都押衙銀青光
祿大夫檢校國子祭酒前隴州長史兼御史中丞屬以
時當沙陁悖亂送臣李國昌侵逼邊陲節度使王公知
洙有韜略之機籌筭之握委領兵士剪伐羌戎果獲收
復鎮城招携戶口

上聞

帝闕表以殊功卽領

郡符必酬前効不久之際 新命當臨公之此子光前
絕後迺是德章外甥女葺脩敦德行請以爲誌次子曰
泂見牙府從官而有出羣之藝主執奏章頗立勤効卽

有榮遷次曰溥乃是侍從南陵無虧晨省護喪歸邑

不憚苦辛亦非久必榮家族也次曰湜與義武軍節度

王公弟左神策軍糧料使宏紹同勾當供軍之務並各

負凌雲之氣皆懷孝道之心盛德出於衆人光顯彰於

前代有女一人娉同州押衙王褒尋終遐壽衮及女孫

悉在兒孫二人長名難胡卽長男洙之子也年未弱冠

亦是成器之寶豹澤貴顯之材次曰周兒乃是溥之子

也見在襁褓孫女二人長適高翊守職鸞臺之內

官授中郎之榮次女阿宜齒未及笄公時當盛族年至

從心雖歿殊鄉得歸帝里四男泣血一婦摧傷

條舉哀歌靈儀崇列丹旒攸攸送歸新闕嗚呼永無返
注日不東迴泉門既掩永而不開刻石爲銘乃爲頌曰

溫溫府君

令德出群

其聰莫比

其孝有

聞

冲和茂著

節操松筠

兩佐名縣

頓立殊勲

方欲竭効

遽有替人

罷秩之

後、偶染疾身

豈期倏忽

異□之魂

哀哉上蒼

何至于忙

行善云吉

豈降其

殃

離京之日

骨肉斷腸

不料永隔

生死今張

歸天

無

及

叫地空傷

卜其宅

地

遷赴元堂

蕭蕭松栢

杳杳白楊

泉臺將掩

隴樹無光

葬於新闕

永鎮龍

崗

廣明元年歲在庚子十月辛巳朔二日壬午男溥書
右南陵尉張師儒墓誌蔡德章撰其子張溥書在
咸甯出土師儒及其先代後嗣名俱無攷文有方
欲歸輦荏苒未進適值江浙淮海等道而多寇逆
云云按唐書帝紀乾符二年浙西王郢反又濮州
賊王仙芝尙君長等迭陷諸州江西賊徐唐莒陷
洪州誌所稱者當卽爾時之事宰相世系表太原

王衡之子名魯不言官階或卽夫人之父誌稱引
駕其職極卑也義武軍在定州沙陀寇雲朔李國
昌陷岢嵐事在乾符四五年節度王公者當是景
崇也

毗沙門天王碑

高三尺六寸四分廣二尺八寸廿二行行卅二字字
徑七分許正書篆額題淨土寺毗沙門天王碑九字
在鞏縣

淨土寺毗沙門天王

朝議郎□□南□鞏□令王扎誤 文林郎守

下缺

將仕郎□□守右領軍衛□□叅軍韋□書 將仕

下缺

□勝

延

□始于後魏

碑

石成像使□□□迄至于今

番數百

缺

事更變累經亂離而□□其製地乃□□□

陽洛水之□北注

下

一邑之勝槩也高僧□□櫛其性

遂其□□廣明之歲□□略

下

騰九州離亂膏血塗於

草莽哀泣盈於□□宮梵宇未有□

下

其僧或焚其

屋廡塔基摧魚燈影滅者多矣此寺獨無纖芥之□

下

之精進哉經文云北方有神曰毗沙門得度于闐身乃

國王神功

下

執金槍左持寶塔散慈雲於金口轉慧日

於雙眸有地有天皆霑

下

悟聲色之空覺輕肥之患嘆

喧華易滅魔瘴難除苦行一時有□□

下

敬塑其像於

三門之左上可以衛佛法而安

國土下可

以消

下缺

衆生不逾三旬其功告畢威容整肅儼然若

生降精彩於晴空棄肌骨於

下缺

功所設非人力可爲

作一境之休祥爲萬姓之福祐先聖云片善可錄何至

下缺

萬物哉衆觀其事能不書焉若思高岸爲谷深谷爲

陵卽紀亦何益若山未崩川竭之前亦可聞於後人

矣詞曰

象帝

□□

于闐真身

心懷慧刃

面縛波□

常

□□

獨護法輪

屹

屹雄姿

巍巍元德

霜

□□

志吞

缺

呼吸風雷

乱

□□

手

持鴈塔

常保

□□

□ 缺

智海增深

萬派

□

金

如日之臨

清信

□□

缺

上福

□唐

下祐百姓

金相永

□

同瞻

□敬

缺

象□□李□

中和二年正月

十八日 缺

右毗沙門天王碑下載殘損王扎撰書人姓韋己
泐其名黃氏中州金石攷畢氏中州金石記皆未
載

國子祭酒敬延祚墓誌

高一尺八寸廣一尺九寸廿四行行字不
等字徑六分許正書有直格在海豐吳氏

唐故幽州隨使節度押衙遙攝鎮安軍使充綾錦坊使

銀青光祿大夫檢校國子祭酒兼御史中丞上柱國平

陽郡敬府君墓誌銘

并序

前節度駭使官張賓述

在標題下

府君諱延祚字延祚其先平陽郡人也繁宗盛襲不廣
叙焉遂授隨使節度押衙遙攝鎮安軍使充綾錦坊使
於戲壽之與天不保黃髮孝諱全紀充北衙將推

官

曾祖諱包攝幽都縣令

祖諱輝守宣州右

丞相業置韜鈴才多經濟忠勤王士無徇家私

府

君性剛冲和志惟端厚早脩成人之器德懷鑒物之明
籍材賦具精官業謙以自牧惠乃知人不恃寵以驕

身不怒而臨下轅門旌能移掌坊務於是繕修戎器淬
勦鋒予和用無闕於軍資戈鋌蓋無於武庫久處繁難
之任尤彰廉儉之名時推貞幹咸仰清勤是以洪鍾發
而聲揚自遠寒松茂而秀且不羣於戲修短有定榮辱
是常以中和二年九月十八日終於昌平縣界永甯村
之私第享年卅有六以中和三年二月十一日葬於薊
縣界會川鄉鄧村里之原祀也 夫人清河郡張氏行
潔冰霜德芳蘭桂情殷葛藟量協螽斯金石偕韻
琴瑟無虧不畧杞梓毀摧絲蘿無託痛傷熟質恨切蕙
心 有子三人長曰行修充親事副將 次曰行益

充親虞候

次進郎並性行溫澹言無枝葉悲號毀

性哀慘過情泣血漣洳邁王脩之社崩摧莫制同隱之

以感隣

夫人哀纏荼毒痛絕肺肝嗟乎老之將至

獨存秀而不實先殞猶恐陵谷遷變棄海有更刊綿縣
之清譽記鬱鬱之佳城乃命瑣才紀諸豐石銘曰

誰謂斯人

罹此禍端

誰謂摧笑

讎爲愁

顏

名留廿表

神歸不還

記誌景行

恐

變何山

誌出順天府大興縣海豐吳誦孫

世芬

得之以拓本

見貽唐書中宗相敬暉五王之一也誌云祖諱輝守

宣州右丞相當卽暉之誤也本傳不詳暉之父名世
系表云父山松澄城令誌云曾祖諱包攝幽都縣令
表云暉四子讓誠詢謹誌云考諱全紀皆與唐書不
合唐代敬氏別無名輝而爲宰相之人史誤邪抑誌
誤邪不可攷矣誌中事作士矛作予揚作楊淑作熟
河作何皆誤字邁王脩之社社上脫罷字

古誌
石華

右國子祭酒敬延祚墓志標題有云鎮安軍使者
鎮安軍屬營州本燕郡守捉城貞元二年爲軍見
新書地理志有云綾錦坊使者綾錦坊屬少府監
見百官志志但言綾錦坊巧兒三百六十五人不

言有使當是後來添置者誌於繁宗盛裔不廣敘焉之下卽云遂授隨使節度押衙遙攝鎮安軍使充綾錦坊使又忽云於戲壽之與天不保黃髮然後乃敘其先世其敘先世先考次曾祖又次乃及其祖是文之無紀律者標題有檢校國子祭酒兼御史中丞而文內絕無一語及之亦太疏略曾祖包攝幽都縣令幽都屬河北道幽州祖輝守宣州右丞相黃氏疑卽相中宗之敬暉按新唐書暉傳並無官於宣州之文蓋別一人也稱右丞相者誌誤也未可据以疑史矣驕身疑驕人之誤不怒而

臨下句疑脫一字
蠡斯作蠹異文
肺肝作肺懽笑
作擢均誤黃氏未舉

慈聖寺殘刻

存高一尺一寸廣八寸五分十一
行行字不一字徑六分許正書

厥慈聖寺者比邱□□所居也有石像
依遠近瞻禮又於□□□□寺基□□

□來之世

唐大順二年

勾當厓緣會

同勾當

下

施主

宣德郎宋□

施主

下漫

□主

趙□吳

下漫滅

上漫滅侯震

李

施主

下漫滅

施主

下漫滅

彭

下漫滅

□主□□都勾當功德主

張

□

右慈聖寺殘刻未知所在下截斷缺字多漫滅如
式錄之碑存二石其一石僅存五維那字約略可
辨耳

孫珣妻清河郡張氏墓誌

方一尺四寸十四行行字不
一字徑五分正書在益都

唐故清河郡張氏夫人墓誌銘

夫樂安郡孫琬述

噫夫人姓張氏其淑慎貞素稟自生知退讓儉遜不從
於訓祗奉晨夕終始若一吁言乎不□弃我私室蘭摧

春霧蓮墜秋□隙影難迴逝波不返男一人高姐電影
未分槿花已落女二人長曰奴哥穠花未開嚴霜暗墜
次曰郭兒髭髮未撚繼我門嗣夫人年四十有三以景
福元年冬十二月二十日卜地於

府城之南雲門

之下樹邱壠而銘

銘曰

下空

日月有度兮生死無常 白晝其速兮元夜何長

澠水爲隣兮雲門是鄉 千年万祀兮春露秋霜

時景福元年歲次 子十二月辛未朔二十

日庚寅孫珣紀

右刻文十二行字徑六分夫爲妻銘僅見於此內云
景福元年十二月二十日卜兆於府城之南雲門之
下案武德四年於青州置總管府宜有府城之目矣
乾隆癸丑間縣人段赤亭搜得之

山左金石志

雲門山澠水皆在今青州府益都縣卽唐樂安郡地

誌書葬日不書卒日蓋卒葬卽其日內事也

古誌石華

碑題夫樂安郡孫珣述夫爲妻誌墓又各舉其郡望

爲他碑所未見銘云澠水爲鄰兮雲門是鄉左氏昭
十三年傳有酒如澠杜注澠水出齊國臨淄縣北入
澠水水經注作澠水古字通用

平津讀碑記

言乎不下缺一字山左志作祿石華作豫蓮墜秋
下兩家均作風字今已剝泐矣府城石華誤作郡
城弃我石華作葬我此字雖半蝕決非葬字私室
非葬地亦石華之誤也今從阮氏

山居洞杜鵑詩刻

高一尺六寸廣二尺三寸四分廿行行
字不一字徑一寸一分正書在臨桂

山居洞前得杜鵑花走筆偶成以簡

桂帥僕射蕪寄呈

廣州僕射劉公

河間張濬

幄中籌策知無暇洞裏□花別有春獨酌高吟問山水
到頭山景屬閑人

伏蒙

僕射相公許□□

奉

和杜鵑花將勒諸巖石伏以□

□本乏成章矧□

絕唱徒荷

鼓揚之

端終

唐

突之愛特廂

□觀光叨榮被謹次用□

蕪寄呈

桂州僕射

前嶺南東道節度使檢校右僕射劉崇□上

碧幢紅方合 洪釣桂樹林前恁獨春莫戀花時好風

景 確溪不是釣魚人

乾甯元年三月廿七日將仕郎前守監察御史

張巖書

唐張濬及嶺南節度使劉崇龜唱和杜鵑花詩二首

前監察御史張巖書乾甯二年刻

集古錄目

右刻在臨桂龍隱岩下爲水衝激字僅彷彿可識案
洛崇龜史皆有傳濬貶連州繡州均未至居華州依
韓建乾甯元年正依建時也崇龜爲嶺南東道節度

使亦未至桂濬詩當是寄桂帥轉寄崇龜者崇龜和章見全唐詩題云寄桂帥玩其詞意實非答濬者北夢瑣言云崇龜以清儉自居甚招物論鎮番禺效吳隱之爲人京國親知貧乏者望俟濡救但畫荔枝圖自作賦以遺之其爲人如此不答濬宜矣

廣西通志

詩刻於乾甯元年集古錄目作二年者誤張濬字禹川河間人劉崇龜字子長池陽人宏基七世孫均見於史金石續編錄此詩云廣西通志誤釋者不下四十餘字悉爲更正今以拓本勘之志譌者十四字而未釋出者正復不乏續編之誤較甚於

志碑石幾於平曼諦審本不易易也洞裏下似閑
字伏以下似崇龜二字亦僅存形模矣

招提淨院施田記

高二尺七寸五分廣一尺五寸十七行行四十
餘至五十餘字不等字徑五分行書在樂至

維大唐光化三年歲次庚申二月十五日□院爲皇

帝陛下州縣官衆及亡□七祖見存普同共養

蓋□或悟□□□□□□□□緣恒□□寶虛指亂

識亦□諸元暄妄情甯興諸□□□息炎干有餘

□□□□□□□□□□言□□學竟見

聞解遺宏旨是法雖復其空爲本□□□□化□凡

之童沉輪火宅遂乃權開法□悟彼昏筮引諸子於四

□言化載於中道是以迷子今悟深解上乘高廣之車

无不決了仙現无相之相畢竟非虛上中下根皆蒙含

潤鏤彫石像用陳貞寂之心法王嘿然荅之所有皆无

回性虛談既剪偽妄亦空備實歸真顯乎中矣□但崇

敬未逢慶□

缺

妄之日本是清淨國人後發妄識惜所

推落住在四大五

陰

村土代本出瑯琊高祖迸流此邑

行年六十有四自嘆丈夫居世運轉

缺

何能久停乃發

膝上宏心趣向菩提之路便捨世財珍寶還造世偃聖

容復作招提淨院擬供僧友復割□濟喉糧之田□□

□□常住

年納伍伯文并將充急掃院衣糧應切不改

賴浦高井重石胡奴盈山西面東接重石山頂至主

敬界

南接重石山臯下至大路泉水孔爲界西

北接揚德小溪爲界

此地施入院爲我皇帝州縣官

等法界倉生上祖亡靈普同共造故勒弟處

□□□□

□□□□□□

曰

老人狐守滿同證後有旡智弟兒姪

外人侵奪者彰此生來世常受百牛之大疾

弥隨

龕向西小溪度大路下有地貳拾畝東至小溪南

至大溪

西大溪北至大路

右楊德及兒晃今將口

分田貳拾畝將施入龕院內供一切諸方師僧永爲常

住今對隣近村老衛敬義

任伯琳

王忠

張後盛

狐守

爾補

等一施以後如有兄弟伯姊兒姪及外人心

生貪

認者貲當々來生常受百牛大病

右碑因造彌陀龕作招提淨院并捨財施田以充
供養而作後列四至并有云百牛大疾百牛大病
者想是當時里俗誓詞亦異聞也龕主姓名文內
未清敘三巴看古志題爲羅漢寺碑當据碑所在
處定之文內無羅漢寺字也今以招提淨院施田
記爲標題或不謬邪碑文泐處据看古志補注於
旁餘依墨本錄入字多舛訛不朽作不朽沈淪作

沉輪饑類作喉類充給作充急貪忍作貪認皆是
惟彌綸作論爲古通耳世倣聖容不知倣爲何字
之譌俗

閩主作菴池記

高四尺一寸廣一尺四寸三行行十字十一字字徑
四寸許左行末行下方小字一行字徑一寸五分俱
正書在
侯官

維唐天祐乙丑歲造菴子及作水池約五千餘功于時
廉主王大王 枕子一牧舊□杖一條□□自菴記

右閩主作菴池記在侯官王大王者審知也記鐫
於大樹上自天祐乙丑至今甲戌歷九百七十年

矣木不朽蝨亦一異事搨本流傳極夥偶於長沙

市肆購得之不覺色舞

王審知德政碑

天祐三年閏十二月一日
萃編載卷一百十八

食邑四千戶

缺四

克勤克儉

勒勤誤

曾祖友名

缺名

王父

玉玉上多

與公偕赴

皆作

以地惟設險

以下多

飢饉飢饉作

儀儀

雀雀

親飯

飯作飯飯

朝庭

庭作

建立

缺立

攷舊唐書哀帝紀天祐三年閏十二月己酉朔福建

百姓僧道詣闕請爲節度使王審知立德政碑從之

卽此碑也五代史閩世家乾甯四年潮卒審知代立

而碑云乾甯三年僕射遺疾且付公以戎旅仍具表

奏尋加刑部尙書威武軍留後俄授金紫光祿大夫
右僕射本軍節度使則審知代立在乾甯三年矣而
舊唐書昭帝紀乾甯四年四月就加福建節度使王
潮檢校尙書右僕射蓋誤以審知爲潮也方鎮表乾
甯四年升福建都團練觀察處置使爲威武節度使
似乾甯以前尙無節度之名然碑稱福建節度使陳
巖又稱巖在軍病甚不能視事潮以郡委於仲弟審
邽而與公偕赴因詔授節度使則福建之置節度已
久惟威武軍之號則於乾甯中始賜耳唐書稱威武
軍而五代史職方考及閩世家俱作威武者謬也碑

又有佛齊國雖同臨照靡襲冠裳公示以中孚致其
內附云云按舊唐書天祐元年六月三日佛齊國人
朝使蒲訶粟可甯遠將軍以碑證之蓋由審知招撫
之力矣

潛研堂金石文跋尾

右威武軍節度使王審知德政碑在閩縣審知唐以
前事新唐書附見其兄王潮傳載審知歷官與碑略
同惟不言檢校司空司徒太保耳碑皆稱檢校碑前
題又作揀按未詳其義

平津讀碑記

碑敘審知先世云曾祖友名王父王萃編友下無
名字玉上有蘊字案忠懿王廟碑及五代史記注

所載均與萃編同以下文贈祕書少監贈光州刺史例之則贈光祿卿上宜空一格友名名字或係後人添鑿容亦有之然字蹟固相肖也至其王父之名何以與忠懿王廟碑不同萃編所錄又何以有蘊字均不可解銘詞云武步龍驤蓋虎步避改也

八瓊室金石補正卷七十七終